

LECTIO I.

—EX DOCTORIBUS.—

Per multas sectiones statuit multisque et SS. PP. testimoniis, et rationibus ab scriptura, theologia et philosophia ingeniose petitis suadere conatur: SS. Josephum fuisse verum Jesu Christi Domini nostri Patrem, citra carnalem generationem, eo quod Spiritus Sanctus actionem divi Josephi in productione Christi suppleverit, ea intentione ut Christus B. V. ejusdem sancti legitima uxore miraculose conceptus, Josephi filius esset, et Joseph Christi Pater prout a Deo fuerat prædestinatus.—*Brabant. Carm.*—Conjugem autem quare dixerit? Etiam inter reliqua quod nihil defuerit operis conjugii, nisi sola commixtio libidinis; in tantum ut ad Joseph juxta carnem pertineat ortus Christi, si quomodo dici possit per hoc Pater Salvatoris.—*Pascat.*—Virum Mariæ cum dicit magnum et verum nomen beato Josepho attribuit Evangelista; quia si est Vir Mariæ est Pater Domini.—*Rup.*

Nos hæc sublimia, &c.

R Deo gratias.

R Qui ex nobis filiis et filiabus Instituti Josephini, aliqua premitur angustia.*Ad potentissimum Patrem nostrum Josephum libentissime confugiat. X Qui certissime pro eo oret ut a malis liberetur. Ad potentissimum....

LECTIO II.

Nullus ex Patribus, Sanctum Josephum, ut immaculatum consideravit.

Sanctus Augustinus, Beatam Virginem Mariam

dum excludit, in disputationibus suis erga Pelagianos Sanctum Joseph condemnasse, ab aliquibus asseritur, Sanctum Patriarcham, declarans, sub macula originali fuisse conceptum, sed immerito: nam si Maria selegit et Josephum exemit, simpliciter ratione, ut Joseph æque ac Maria Deigenitrix est, Dei Pater esset. Cæterum, Augustini in quæstione, omnes homines in peccato conceptos fuisse tantummodo defenditur; sed hac in augustiniana asseveratione, Sanctus Joseph non intelligitur, quoniam pars Sacrae ideoque est, sanctos inter coeteros inclusus non oportebat, sed omnino coeterorum a lege solutus. Et si signatus Joseph forte fuit, non ut dignissimus Mariæ Sponsus, sed veluti ex multis unus, intelligitur. Insuper, remotissimis in temporibus illis, quia Mariæ Virginis conceptio subobscura erat, Josephi immaculatam conceptionem ante oculos ponere, inconsiderata agendi ratio fuisset, ex eo quod subobscurior Mariæ tenebatur. Hoc velim nobis penitus suaderemur: Jesum Patris sui virginalis in decore, et Mariam Sponsi sui veri in honore, Jesum atque Mariam simul, seipsos causa honorandi, dixisse: "Honoramus omnes illos commemorantes Sanctissimum Immaculatum et gloriosissimum Dominum Josephum, Patrem ac Sponsum nostrum; quia sicut primus Adam formatus fuit ex terra, antequam esset maledicta; ita secundus Adam ex matrimonio virginali per divinam operationem Spiritus Sancti, et numquam maledicto, nec per culpam originalem.

Nos hæc sublimia, &c.

R Deo gratias.

R Noster Sanctissimus Joseph ut immaculatus

erit tamquam lignum, quod plantatum est secus decursus aquarum.*Quod fructum suum Jesum dabit in tempore oportuno cum Maria. ⁊ Et folium minimae imperfectionis non defluet, et omnia quae cumque faciet inter nos semper prosperabuntur. Quod....

LECTIO III.

Ea justitia Sancti Josephi concluditur eius immaculata conceptio.

Cum Spiritus Sanctus ait: Joseph autem cum esset justus, ostendit, ex integro iram peccati originalis a nostro Josepho esse exclusam, ideoque habuisse plenitudinem omnium justitiarum, sicut decebat Patri Christi. Propterea, directam omnibus hominibus illam maledictionis iram, quam ipsis originali justitia orbabat, ad Josephum egregie justum non pervenit, sub hoc respectu permanens, tanquam ille primus Adam in diebus illis innocentiae suae primigeniis. Et hac praehabita veritate rationi congruente, omnes Sancto Josepho pertinentes clausulae intelligendae sunt, ad hunc videndi modum, secundum Augustinum dicentem; Verbum ex vicinitate usurpatum, cui propinquitas ipsa impetrat intellectum, non est censoria notatione culpandum; sed quia in praesentibus non modo speciali agitur, ita ut Sacrae Familiae membrum aliquod affectet, plane liquet, non dictae fuerunt Sancti Josephi causa, de cunctis. Proinde, ex eo quod a primis saeculis, Sanctis, non excepto Josepho, loqueretur, nihil inde sequitur, nam nullomodo Virginem exceptam invenimus illis in temporibus; et hoc, causa Pelagianos viam non aperiendi, dicentes: multos, sive homines, sive mulieres, exemptos fuisse. Sancti

Patres saeculis in primis studiosiores se habuerunt divinitatem Jesu stabilientes, sed nihil de Maria dicentes, nec de Josepho affirmantes. Ergo, juxta quod Evangelium ait dicere valemus: Scimus tantum gratiae ad vincendum ex omni parte peccatum Josepho fuisse collatum; quia ut Sponsa Maria ille sui omnino justus.

Nos haec sublimia, &c.

R Deo gratias.

R Joseph per Mariam Sponsam suam.*Meruit concipere et facere quem constat nullum habuisse peccatum.*Ergo per gratiam neque habuerunt illud Joseph et Maria. Meruit....

—DIA 27 DE JUNIO.—

LECTIO I.

—EX DOCTORIBUS.—

Ut manifestum fieret tam sanctis angelis quam hominibus de ipso Josepho esset justus.—*Rup.*—Eatenus vir justus, exinde justissimus.—*Rup.*—Quia pauperes erant hospitium invenire non poterunt.—*Bonav.*—Aurum non modicum oblatum a magis, Maria pauperibus per Joseph erogavit.—*Bonav.*—Ecce mira paupertas in parentibus Christi, qui agnum non habebat.—*Bonav.*—Obtulerunt in templo par turturum, aut duos pullos columbarum; et hinc jam et paupertas parentum Christi satis notari potest.—*Corn.*—Pauperis carpintarii uxor paupercula incidebat; ipso solo contenta comite.—*Sim. de C.*—Ipse Joseph patientissimus erat in paupertate.—*S. Bnig.*—Multum per omne modum isti, Joseph et Maria, paupertatem dilexerunt et eidem

perfecte usque ad mortem servaverunt fidem.—
Bonav.

Nos hæc sublimia, &c.

R Deo gratias.

Noster divinus Joseph Pater Christi legalis, Pater Christi spiritualis, Pater Christi virginalis fuit. *Et mediante obumbratione Spiritus Sancti supervenientis in Maria. ¶ Etiam Pater carnalis, ratione desponsationis cum Virgine appellari possit.—Et mediante....

LECTIO II.

Utrum constat in traditione immaculata conceptione Josephi.

Definibilis esse non potest immaculata Sancti Josephi conceptio, ipso facto non existendi neque in Scriptura, nec in Traditione; et plures alias Josephi præerogativæ modo aliquo clariori constant, exempli causa, eius in coelis assumptio, speciali modo gloriosa habetur. Sed si meliori cum fundamento loqui volumus, dicere fas est: magnas illas veritates, nobis privilegia, glorias, gratiasque Josephi nunciare egregias, unæ alteris ita conjunctæ ad invicem, ita dependentes, ut una ab altera pendet, tali modo, unam neque non licet nisi alteras similiter et negemus. Adeo, si membrum est Joseph Sacrae Familiae, plane sequitur, immaculatum fuisse suam in conceptione, quemodmodum et aliae duae personæ quae sacram familiam constituunt. Ergo si Maria immaculata fuit concepta, et ejus divinus Sponsus virginalis; ergo si Jesus immaculatus, ita etiam illius virginalis Pater. Coeterum, si a saeculis omnibus expressa fuisset Josephi conceptio immaculata, et ab Ecclesia expresse et formaliter

declarata, jam de fide fuerat, et necesse non fuerat ut ab Ecclesia definiretur. Proinde, ex eo quod per Ecclesiarum testimonia particularium nec non et antiquissimarum, ab Apostolis fundatarum, ut Judeæ, Siria, Egypti, Armenia, Græciæ, memoria et traditio illius Joseph, continuo servata fuit, Sanctum Josephum immaculatum fuisse conceptum secundum a predictis Ecclesiis Patriarchæ privilegia, gloria, gratiasve tributas, concludere posumus. Et omnia dicta satis menti persuadent, ut bene possimus in re tanti momenti judicia recte proferre aut efformare, et in re gloriosissima Josepho, et supramodum gloriosissima Jesu et Maria, qui certe Josephi gratias dederunt tales.

Nos hæc sublimia, &c.

R Deo gratias.

R Certum est non novam sed vetustam esse celebritatem Paternitatis Joseph circa Filium suum Jesum. *Celebritatem suæ desponsationis cum Maria Matre Jesu. ¶ Ergo pie credendum est, quod declarando Ecclesia nostrum Josephum sine macula esse conceptum in isto judicio errare non potest.—Celebritatem....

LECTIO III.

*Utrum pie credi potest nostrum Josephum
—esse immaculatum.—*

Varii in fide pia gradus dantur; alii accidentales, alii non; et hoc in genere, alius est summus gradus, qualis est fides pia sive religio, vi cujus Ecclesia decretum efformat causa regiminis Ecclesia recti, aliquem ex Sanctis esse in gloria; et quum favore conceptionis Sancti Josephi immaculatae, verum

extitit miraculum certa in persona; ergo, si persona illa, illam habet notam, pie credere potest illud mysterium; ergo, cum Ecclesiae praedictam notam habeat, sicut per illam sanctorum canonizationem definit, ita immaculatam Sancti Josephi conceptionem definire poterit. Juxta D. Paulum fides est, sperandarum rerum substantia, argumentum non apparentium, hoc est, non videntium assensus et sperandarum rerum dictarum a Deo, qui nec decipitur, nec nobis decipere potest, fundamentum. Has res, clariores aliquando apponit, alias indistinctas declarat; modo absolutas, modo relativas; sed in casu veritas existit; id est, intellectus conformitas seu cognitionis actus cum suo objecto; aliae res, primo in visu certitudinem habent; id est, praeter veritatem connexio quaedam necessaria datur, qua omne dubium fugit. Aliae, tandem evidentia apparet, quia ad veritatem et certitudinem, talis claritas additur, quae ab intellectu dubitandi potestatem adhuc excludit. Et quamvis suo tempore, similiter Ecclesia de conceptione Josephi immaculata judicabit super mysterium, hic et nunc, nobis sufficiat illud utrum pie credi potest nostrum Josephum esse immaculatum.

Nos hæc sublimia, &c.

R Deo gratias.

R Dixit insipiens in corde suo Josephum non esse immaculatum. Sed signatum est super nos lumen vultus tui Domine, ¶ Ecce illum conceptum absque peccato ut Pater Jesus. Sed....

LECTIO I.

—EX DOCTORIBUS.—

Volebat enim quod fieret voluntas Domini per omnia cum esset justus.—*Ger.*—Joseph est Pater Christi vere et secundum rem; quia actio supernaturalis, qua beata Virgo de consensu vero Josephi Christum generavit, jure matrimonii fuit actio Josephi, quem matrimonialem Christi Patrem constituit.—*Jos.*—S. Joseph Christum non generavit physice; sed constitutus fuit Pater Christi vere et secundum rem per generationem activam voluntatis suae in utero virginali ejus Sponsae S. Mariae, id est, operando juridice et matrimonialiter.—*Jos.*—Joseph erat aptus ad suam vocationem perfectissime adimplendam, aptus in Sponsam Dei parentis, aptus in Paternitatem Christi secundum rem; et adhuc plenissime aptus, modo eximio, supernaturali et altiori, nempe ordinis hypostatici beneficio Dei.—*Jos.*

Nos hæc sublimia, &c.

R Deo gratias.

R Voluit Christus Jesus ut convenienti modo et ordine nobis ejus merita applicarentur.*Ut eadem applicatio. ¶ In majorem utilitatem nostrorum minorum suorum mirabiliter cedaret. Ut....

LECTIO II.

*Utrum affirmare potest quod Virgo Joseph habuit
—originalem gratiam.—*

Nostris in diebus, quamvis multa dici possent ut in favore quæstionis presentis, multa similiter dici possunt contra illam. Sed tempus eveniet, quo in-

quirentes veritatem sapientis conceptionis Josephi immaculatæ, tali modo eam evolvent, ut evidens fiat; venturum tempus quo vi suorum discursuum sapientes, connexionem quam virginalis Sancti Josephi paternitas evidentem habet cum sua puritate originale apreherent; et illam publicam et omni orbi pérentoriam facient; tempus veniet, quo, vi suorum intellectualium laborum sapientes, de scientia hoc mysterium facientes, suum et proprium similiter, efficient; venturum est tempus, quo Jesu amatores, Mariæ dilectores, et Josephi cultores, in loco suo pertinente talem Sacram Familiam collocabunt, et cum omnimoda claritate, veritate et sollicitudine concludent, quod uti Jesus et Maria, ita Joseph semper sine ullo peccato fuit, ideoque sine labe originali fuit conceptus, et nunquam nec uno quidem momento infernalis draconis fuit purissimus Mariæ Sponsus et dignissimus Jesu Pater. Tempus venturum est, tandem, quo Scripturæ explanatæ, bene intellecta texta quæ ad Sacram Familiam referuntur, patefiat thesaurus traditionis aperti, mediis centum miraculis, et mirabilibus, et discursis, una voce dicent: cræaturæ omnes, Josephum in sua conceptione immaculatum fuisse.

Nos hæc sublimia, &c.

R Deo gratias.

R Quoniam novit Dominus viam justorum dicitur Josephum esse sine macula originale conceptum. *Ideo non resurgent conciliarii in judicio neque peccatores in concilio justorum. ¶ Hæc pia sententia fructum suum dabit in tempore suo. Ideo....

LECTIO III.

Sollicitudo Doctorum omnium in honorem

— *Sancti Josephi.*—

Uti in diebus nostris universæ Ecclesiæ sollicitudo laboravit, maxima cura, ut Maria Deigenitrix Virgo apud fideles omnes sicuti vere est appareat, id est, Mater tanquam Dei dignissima; ita tempus venturum erit, quo ita magna erit Ecclesiæ Doctorum sollicitudo, super glorias Sancti Josephi privilegiaque secum cogitantium, eum tanquam dignissimum Mariæ Sponsum, Jesu dignissimum Patrem decernant; ex quo omni cum certitudine colligent Sanctissimum Josephum immaculatum esse debuisse. Tunc eo modo quo fides super Josephum est divina aperietur; humana perspicuitas veluti qualitas naturalis a Sacris Litteris, a Traditione, ab Ecclesiæ Patribus, Doctoribusque ejus oriens, eveniet; divina obedientia, vi cujus Apostolica Sedes ducetur ad Sanctum Josephum e communi omnium hominum numero selligendum; progredientes Sanctæ Ecclesiæ declarationes, quibus conceptionis sine macula Domini Sancti Josephi mysterio, maximam certitudinem, universalemque fidelium utilitatem communicabunt; Sanctæ Ecclesiæ testimonia declaratoria mysterii veritatem admittentia, festivitatemque ejus patientia; et suo tempore, per Sanctæ Ecclesiæ omnium Doctorum sollicitudinem, ab Spiritu Sancto rectæ, veram esse doctrinam asserentem Dominum Sanctum Josephum sine labe conceptum fuisse, definietur.

Nos hæc sublimia, &c.

R Deo gratias.

R Astiterunt reges impiorum et principes conve-

nerunt in unum adversus Josephum, et suam immaculatam conceptionem.* Sed noster potentissimus Joseph qui habitat in coelis. R. Irridebit eos et subsanabit eos. Sed....

—DIA 29 DE JUNIO.—

LECTIO I.

—EX DOCTORIBUS.—

Noster Sanctissimus Joseph pertinet revera ad ordinem hypostaticum.—*Suar.*—Dignitas Sanctissimi Joseph est forma vel quasi forma, vi cujus ipse Joseph conjungitur Deo, media aliqua actione physica attingente, vel cansante physicam substantialem unionem Verbi cum humanitate: de causa pertinet ad ordinem hypostaticum.—*Eguiara.*—Per formam beati Josephi, actio beatæ Mariæ Virginis fuit generativa Dei hominis; vi cujus contentus Filius non solum Mariæ, sed necessario etiam Josephi non generantis physise, sed per suam voluntatem, sicut Mariæ dicentis: ecce ancilla Domini, fiat mihi secundum verbum tuum.—*Jos.*—Quamvis Joseph media actione physica Mariæ, non attigerit physice Deum Hominem, ipsum attigit moraliter juridice et per verbum: et hoc sufficit ut Josephi dignitas in ordine hypostatico reponatur.—*Eguiara.*

Nos hæc sublimia, &c.

R. Deo gratias.

R. Omnia habemus in Patre nostro Josepho.* Si a vulnere curare desideras medicus est. ¶ Si febris æstuas fons est, si ingravaris iniquitate, profectio admirabilis est pro nobis filiis suis.—Si febribus....

LECTIO II.

Sollicitudo Doctorum omnium pro conceptione immaculata Domini Sancti Josephi.

Tempus venturum erit, quod Dominus sua in bonitate et misericordia infinita jam præparat, quo omnia corda, divina flamma amoris accendentur, et hi ad majorem Sancti Josephi gloriam et honorem, inflammati, studiosiori modo laborabunt, ut Patriarcha melius sit agnitus, et ut speciali modo, conceptionis gloriosæ ejus sine macula mysterium agnoscat. Tempus venturum erit, quo Apostolicam Sedem diligentia multæ directæ erunt a Clero, Universitatibus, Capitulis, Cathedralibus, modoque specialiori a Sanctæ Ecclesiæ Pastoribus, ut Ecclesia (mediis suis divinis dispositionibus, in quibus errare non potest, in illis enim ab Spiritu Sancto est recta,) magni mysterii præstantiam Sancti Josephi conceptionis sine macula parentorie monstret; multiloquentiam hæresum vanam circa Josephi conceptionem flocci faciendum et relaxatorum christianorum, quibus dicere oportet cum Jesu Christo Domino nostro: Sinite illos caeci sunt, et duces caecorum. Et continget, ut josephina devotio, speciali modo fidelibus omnibus, et singulari modo regibus, principibus, imperatoribus, monarchis, præsidentibus, inflammavit; et hi omnes, uno atque instanti rogatu Romam accurrent, quatenus Sedes Apostolica non movetur nisi præviis supplicationibus Regum, Principum et aliarum authenticarum personarum.

Nos hæc sublimia, &c.

R. Deo gratias.

R. Ego diligentes me diligo et qui mane vigilant ad me.* Invenient me. ¶ Per me reges regnant, per

me principes imperant, et potentes discernunt justitiam. Inveniant....

LECTIO III.

Opportet credere Josephum esse immaculatum.

A sacris officiis digredens, quibus Dominus Deus noster Joseph ab Æterno dignatus est impertiri, recte videtur nos concludere posse: "oportet credere Josephum dignissimum Sponsum Mariæ et virginalem Patrem Jesu immaculatum esse." Sub hoc respectu, hac in doctrina, aliquam videmus pietatem omnibus adstantem actibus; quamdam certitudinem ab intellectu lucem auferentem; certam evidentiam, quæ suo tempore, omnes dubitationes fugere faciet, et doctrinae, securitatem fixam communicabit; attamen multa fortasse incommoda ab aliquibus invenientur, ut in decissione dogmatica Ecclesia constituat; doctrinam, Sanctum Josephum immaculatum esse, docentem, vere doctrinam esse in Ecclesia contentam, et in traditione; quam si multi renuerunt, multi plures acceperunt; plures textus jam sunt aperti; multae traditiones patentes. Proinde, quemadmodum Ecclesia, certis in circumstantiis, multas res definivit, quæ in Scriptura clare non inveniuntur, quamvis in Litteris sacris et in Traditione implicite contentas, sicut conceptio Mariæ sine macula ita, simili modo, Sancti Josephi immaculata conceptioni continget quæ eodem modo habetur, nam Mariæ Sponsus, et Jesu virginalis Pater, vocatur. Oportet ergo credere Josephum esse immaculatum.

Nos hæc sublimia, &c.

℞ Deo gratias.

℞ Ego autem vir inter omnes homines constitu-

tus sum immaculatus.*Ab eo super Sion montem sanctum ejus, prædicans præceptum ejus. ¶ Dominus dixit ad me; tu es sine macula, quia Filius meus es tu et virginaliter genui te. Ab eo....

—DIA 30 DE JUNIO.—

LECTIO I.

—EX DOCTORIBUS.—

Quantum ad se ipsum et quantum ad proximum, et quantum ad Deum sublimatus fuit Joseph virtutum augmentatione.—*Alb Mag.*—Videtur Josepho quod per seipsum apparere debuit Dominus.—*Alb. Mag.*—Dicendo Angelus Josepho: accipe Puerum et Matrem ejus et fuge in Ægyptum, loquebatur formula præcisa et imperiosa.—*Joan. Bon.*—Joseph fili David, hæc dominatio magnifica, propria est beati Joseph.—*Rup.*—Longe majoris obedientiæ fervore Joseph mandatum exsequitur, quam Abraham; nam nulla bonorum expectata promissione a Deo, egreditur.—*Christoph.*—Hic expendendum occurrit, quare Angelus non ante aliquot dies, quam fugere debebat, Joseph indicaverit? Ad majorem Josephi obedientiam certissime ita factum est, et non alio modo.—*Hessil.*—Angelus non promisit comitem se fore itineris, insinuans quod magnum haberet, viae comitem, puta puerum.—*Ent.*

Nos hæc sublimia, &c.

℞ Deo gratias.

℞ Divinus Joseph fuit Pater Jesu, non naturalis, sed legalis.*Cui Spiritus Sanctus suscitavit Filium suum Jesum. ¶ Dejunctus enim erat ille a carne per virginitatis et castitatis perpetuæ votum. Cui....

LECTIO II.

*Utrum Rom. Pont. Josephum esse immaculatum
—definire possit.—*

Romanus Pontifex definire potest, fidei dogma esse illud quod ab aliqua de fide præmissa, et alia evidenti ac moraliter certa, infertur; atqui in Sanctorum canonizatione de fide habetur, illum perseverantem in lege Dei, salvare atque beatitudine gaudere; et similiter certum moraliter est, secundum canonizationis diligentias, sanctum canonizatum usque in finem mandatorum in fide perseverasse et observantia, atque quanta cum heroicitate virtutes morales exercuisse; etiam verum est, post mortem suam in miraculis claruisse; ergo dum Romanus Pontifex ab his præmissis diabus, canonizatos sanctos esse, atque æterna beatitudine gaudentes, certe liquet, hoc definire posse, tanquam de fide veritatem. Ex hoc argumento Sancto Josepho adscripto, liquet: veritatem esse, Josephum dignissimum Mariæ Sponsum et virginalem Christi Patrem, esse; et veritas moraliter certa et evidens habetur, reali cum connexionione erga Josephum; indignum quippe Mariæ esse habere talem Sponsum, qui immaculatus non fuisset et immeritisimum esse Jesu, selectum fuisse ab eo, talem Patrem virginalem, cui cum ejus custos, patronus, vitæ dux, redemptor et totum esset, tamen originale peccatum imputaretur; ergo immaculatus fuit; ergo Ecclesia seu Romanus Pontifex, conceptionem immaculatam Sancti Josephi definire possunt.

Nos hæc sublimia &c.

R. Deo gratias.

R. Ait Jesus Patri suo Josepho. *Postula a me et dabo tibi gentes in hæreditatem tuam et possessio-

nem tuam terminos terrae. ¶ Reges deshonorantes tibi in virga ferrea et tanquam vas figuli confringes eos. Postula me....

LECTIO III.

*Utrum doctrina asserens Josephum immaculatum
—esse, sit definibilis.—*

Sapientia est antiquorum scientiam sequi, et ineptiam male fundatam vitare; sed aliud est antiquorum scientiam sequi, et aliud plane distinctum, quacumque ab antiquis propositionem dictam custodire; nam quia non omne quod ab antiquis scriptum habemus et adhuc a Sanctis Patribus, certa sit scientia, multæ enim res probabilitate tantum scripserunt, seu immo etiam unus ad alterum adversantibus; adeoque ex eo quod antiquorum dicta sequamur, non semper vera sequuntur documenta. Proinde, quamvis aliquod antiquum documentum seu etiam si quidam Ecclesiae Pater in contrarium dicat, causa omnes homines amplectendi; et quamvis particulariter loqueretur de Sancto Josepho sermonem faciens, nihil adhuc hoc in casu, contra immaculatam ejus conceptionem sequeretur, quoniam de pendens ex solutione quæ de conceptione illius Mariæ ejus Sponsæ pronuntiare, permanet. Itaque, jam prima definita, rationabili videtur, tempus jam pervenit cogitandi in secunda, et quidem proponere: Utrum doctrina asserens Josephum esse immaculatum, sit definibilis; et eo magis, quæ nullo in sæculo a Maria Joseph disjunctis fuit, et omnibus in sæculis semper juncti permanserunt Joseph, Maria et Jesus: ergo considerare possumus prædictam doctrinam, tanquam piissimamque; sicut certam, certissimamque; velut evidentem, evidentissimamque.

Ut nostro labore finem apponamus, hæc præmonemus lectoribus, ne forte nos levitatis arguant. Primo scilicet, removenda et quam longissime possimus, arcenda ab scriptis nostris ea omnia, quæ minus digna sint persona summi et dignissimi Sponsi Mariæ et Patris Jesu; quibus attentis hæc calamo currente scripsimus. Secundo: unollmodo esse in animo aliquem damnare, nec præjudicare, quoniam in dubiis libertas est, donec ab Ecclesia, magistra fidei et morum sententia feratur. Tertio: verba omnia et sententias et ideas legi et intelligi velle ad sensum et judicium Sedis Romanæ, quæ firmamentum jacet, et columna veritatis.

Hujus præclari Sancti Josephi
Humillimus filius et servus

JOSEPHUS MARIA VILASECA.

Mexici, anno salutis, millesimo octingentesimo nonagesimo quarto.

Nos hæc sublimia, &c.

R Deo gratias.

R Servite Domino Josepho in timore et exultate ei cum tremore. *Aprehendite disciplinam nostri immaculati Josephi, nequando irascatur Dominus et pereatis de via justa. V Beati omnes qui confidunt in Domino Josepho. Aprehendite....



ORACIONES DIARIAS

I

Para començar la oración de la mañana

Veni Sancte Spiritus, reple tuorum corda fidelium, et tui amoris in eis ignem accende.

V Memento Congregationis tuæ, Potentissime Joseph.

R Quam possedisti ab initio.

V Domine exaudi.....

R Et clamor.....

V Dominus.....

R Et cum.....

OREMUS.

Deus qui ineffabile Providentia Beatum Joseph, Sanctissimæ genitricis tuæ Sponsum, eligere dignatus est; præsta quaesumus, ut quem Protectorem nostri Instituti, veneramur in terris, intercessorem habere mereamur in coelis. Qui vivis.....

V O Maria assumpta in coelis.

R Ora pro nobis.

V Sancte Joseph.

R Ora pro nobis.

V Almi parentes Christi.

R Orate pro nobis.